

Banco ABN/AMRO y FTA ta firma cao nobo



ORANJESTAD(AAN): -- ABN/AMRO Bank y FTA a firma riba Diaranzon ultimo, un cao nobo pa un periodo di tres aña.

Firmamento di e cao a tuma lugar na oficina principal di ABN/AMRO Bank, den presencia di empleadonan di e banco y tambe di mediador di gobierno Julio Quijada.

Pa ABN/AMRO a firma, General Manager Jan Willem van den Bosch y demas fun-

cionarionan halto Nelo Loeftstok, Mirjam Auwerda y Ivan Nava, pa e sindicato a firma, Presidente di FTA Rudy Geerman y miembro di directiva Juan Giron.

E shopstewardnan di ABN AMRO Johnny Hart y Franklin Oduber a firma e convenio.

E cao nobo ta valido di prome di Januari 1998 te 31 di December 2000.

E cambianan mas grandi ta

riba tereno di condicionnan secundario di trabao y ta encera entre otro, un plan atractivo di spaar, un plan di famia (bao di cual ta cay sosten financiero pa cuidio di muchanan), cobertura pa gastonan di transporte y seguronan adapta.

Riba foto hunto cu articulo, momento cu señor Geerman y señor Van den Bosch ta sacudi man.

TAMBU DI ARUBA

TAMBU un di nos prome instrumentonan cu a wordo traha y toca aki na Aruba desde aña 1948. Quizas hasta prome cu esey tambu tabata wordo toca henter aña, den gruponan di famia. Tambu tabata wordo uza y toca pa manda mensahe den barionan ora cu un famia fayece, tambe tambu ta wordo toca pa yama awacero pa asina nos tin un bon cosecha. Tres siman tambu ta wordo toca entre aña nobo y fiesta di tres rey. Tres rey ta fiesta di tambu. Fiesta di San Juan nan ta sende nan cama na candela, nan ta bula candela y gruponan di tambu ta toca te mainta pa bisñanan y conocirnan di bario. Tambe pa encuentronan familiar durante fin di siman ta toca tambu. Ora di tumba maishi y dreña maishi den cunucu. Y asina por sigui.

Marcia Stamper a cuminsa pa rebiba nos tambu di Aruba, hopi di su grandinan ta tocado y cantado di tambu y tocado di wiri di tambu. Marcia a cuminsa bishita diferente famianan caminda tocadornan di tumba tabata biba. Famianan di Mon Krozendijk, Goy Krozendijk, Wimpie Maduro, Buchi, Goy Ras, Comper Basilio, Mo Ko, Buchi Mateu, Maria Fola, Foyon Maduro y otronan. Tambe a bishita Mo Flip cu si ta na bida e tin awor 87 y a toca tambe te cu 70 aña. EL a yega di traha su tres tambunan. Tur esaki nan tabata tocadonan di Brazil. Y un di nos tambureronan cu ta toca te awe ta Vicente Ras di Buchi Goy. Su tata Buchi Goy ariba cama drumi prome cu su wowo a cera a canta su dande di tambu y su otro canticanan di tambu tradicional y a bisa su yiu Vicente tuma mi tambu y sigui cu e tradicion no laga nan stroba e tradicio. Y tambe 24 di Juni dia di San Juan nos ta recorda Maria Fola un tocado y cantado di tambu cu a fayece 8 aña pasa ariba su di dia di San Juan. Awe Diabierna Marcia Stamper ta haci un invitacion na e pueblo di Aruba pa bin tende canticanan di tambu di Vicente Ras di Buchi Goy y su grupo den e seramento di e Festival di Dera Gai ariba vel di Brazil Junior, patras di Centro di Bario Brazil.

Lo tin un homenahe tambe na Sr. Ovito Tromp di Fundacion Dera Gai y tambe na un gran persona di e Bario di Brazil pa su tremendo trabaonan Sr. Francisco Wever mihor conoci como Pancho.

La difference

Caya Betico Croes #78
Tel: 830787

**PAÑA NOBO
A CABA
DI JEGA. TAMBE
NOS TIN SIZE PLUS.
PASA WAK PA BO
MES E MODEL
DI BO GUSTO**

ATA BO OPORTUNIDAD

Unico pa Gana un Mitsubishi Eclipse GS-X full equip, 5-speed, Turbo, Leather Interior, all wheel drive. Sorteo Diadomingo Awor pa Diario. Ganador ultimo 4 cifras prome Premio. Busca bo ticket na bo lugar di number Favorito. Suerte, paga pa bo bai kune. Pa mas info. yama Tel: 869-916

KINKY'S FASHION

**Ta anuncia su jegada di su
STOCK NOBO!**

Si nos a haña Paña nobo
Hooopi zuiver! Pasa
Check nan out
awe mes!